

者實也

素問六氣玄珠密語卷之一

素問六氣玄珠密語卷之二

子 運

運符天地紀篇

甲子中土運太宮土氣有餘其名曰敦阜土行兩化即歲中濕令過多氣傷腎戴受病久及膀胱鱗蟲不資保蟲太盛脾氣之勝也民病腹痛清厥意不樂體重煩冤上應鎮星甚則肌肉萎足痿不收行善契脚下痛飲發中滿食減四支不舉變生得位藏氣伏化氣獨治之泉涌河衍潤澤生魚風雨大至土崩潰鱗見于陸地病腹滿澹泄腸鳴反下其兩化五此土太過之令也甲午之年化令同乙丑中金運少商兌九宮七宮即西方允在人為肺四時應秋此即謂金不及也其名從革即火行勝令來勝於金庶物以茂燥燥以行民病肩背督重熱嚏血便注下收氣乃後令勝之至甚有金子為水水來救母名曰復勝復勝即寒雨暴至寒冰雹雪霜殺氣陰厥且格陽上行頭腦戶痛延胃項發熱丹殺不成民病口瘡甚則心疼清化四從生數乙未

之歲化令之正同於此年

丙寅中水運太羽水氣有餘其名流行上刑天令不化也中剋心藏受病即寒氣流行邪害心火民病身熱煩心燥悸陰厥上中下寒譫忘心痛寒氣早至甚則腹大脰腫喘咳寢汗出憎風大雨至埃霧朦營寒化六從成數此太過之政丙申之歲化令准前此水化之令轉盛之爾何以故申金生水運之餘逢申之年更甚也丁卯中木運正角運得平氣也其名數和所謂平氣也即金不來勝木亦不災土故化令各得其時故曰平氣也又曰歲會也謂丁未運卯為木其氣相佐丁年正月是壬寅月壬與丁合其干德名曰干德符也故歲勝風化三從生數也正化日也即化令依時元他令至故正化日也故丁酉歲運同即不得年力也年酉為金也正月壬寅月亦名干德符也勝符亦不至也即不名歲會風化三生數也同丁酉年化令更甚戊辰中火運太徵火氣有餘名曰赫曦即氣

勝肺藏愛病久及大腸甲蟲乃殃秋冬熱夏今炎熱其化之政只其半也何以故上見司天水臨之火滅其半也熱化七從成數正化度無他令也戊戌之年皆如此

已巳中土運少宮災五宮五宮即中宮也卦應坤位在人為脾四時應夏蟲為保蟲土不及名曰旱藍即四時化氣之令不正木乃來勝大風數舉民病痞滿黃疸附腫雨濕之氣不化保蟲乃天勝之深也金乃來復復之至也白埃四起肅殺乃至木葉凋落民病肝藏毛蟲反困復罷脾氣猶虛至九月甲戌月已得甲力得其于合方運正官雨化五巳亥之政同於此化

庚午中金運太商金氣之有餘也其名堅成也氣勝即傷肝白埃四起殺氣如雲生氣不令成氣乃過毛蟲過困草木晚榮民病即肢脇氣痺四支筋攣目瞤善怒其化雖災亦不至甚也只得其半也何故謂上見少陰君火臨之年午亦為火也故金令衰其半也木之災亦少也燥化九從成數也庚子之年異同

也年子是木金氣相得其災至勝也清化九從成數也

辛未中水運少羽災一官一官坎位在人為腎四時應冬蟲即鱗蟲也水氣不流名曰涸流也即土來行勝濕乃大行長氣反用其化乃連暑雨數至民病腹滿身重濡泄寒瘍流水不冰腰股痛發腦脹肢膝不便煩覓足癢清厥脚下痛甚則附腫藏氣不正復之發也木來救水大風暴至草偃木零生長不鮮面色時變筋骨併碎肉爛疾目視眩眩物豐肌肉賒發氣并膈中痛於心腹黃氣乃損權殺不發復罷水氣寧至七月丙申月水運正羽寒化一從生數邪化日令時不正也辛丑之令如此也

壬申中水運太角木氣有餘其名發生也即大風摧拉氣刑脾藏久及其胃也風氣流行脾土受邪民病發泄食減體重煩冤腸鳴支滿化氣獨治雲物飛動草木不寧甚則搖落反脇疼而吐風化八從成數邪化度也正令失時也壬寅之歲其氣更甚也亦名歲會也

寅木土木相會也

癸酉中火運少徵災九宮九宮南方離位在人應心四時為夏即火氣不及也其名伏明也心藏自衰夏令不正羽蟲乃天即水來行勝水之至也勝則寒乃大行長氣不正物變而下凝慘而甚則陽氣不化乃折榮美民病胃中痛脇支滿腦痛背肩脚間及兩臂內痛鬱胃矇昧心痛勝至深火有子為土來救之母復勝之至埃鬱大雨且至黑氣乃溲民病脊澹腹滿食飲不下中寒腸鳴泄注痛攣痺痺足不任身復罷火氣始平後五月戊午月癸遇于合火還正徵熱化二從生數邪化日失於正令也癸卯之歲亦如此也

甲戌中土運太宮土氣有餘其名敦阜土行雨令即溽暑埃濕大虛埃昏雲雨時今氣過即傷腎久及膀胱化氣有餘藏氣不令民病即氣厥陰痿足脛寒少力失精鱗蟲乃困氣感即風舉勝遷民病嗔恚否塞黃疸上勝天令弗從雨化五亦曰邪化則政令失時甲辰之年對化斯令

乙亥中金運正商平氣也其名審平也所謂平氣者謂三月得庚辰月早見干德符也乙未見庚剛即氣還正位也火未得王故未勝而先平也火不勝即水不復也又亥是水亦得年力故火不勝也清化曰從生數也正化日無他令即本化依時也乙巳歲火來小勝之為巳為火可佐於勝也即於二月中氣間若火時化日火來行勝金氣行勝少商從大微勝之不久不待水來復即過三月庚辰月乙見庚而氣自全金運正商氣以平也

丙子中水運太羽水氣有餘也其名流行水之盛也上剋司天化令不從丙為水運干之剛也亦是水也太陽司天太過即水氣臨火令長不從藏氣之勝也心藏受病久及小腸羽蟲乃殃鱗蟲乃育寒化六從成數也亦邪化日夏失時正也丙午之歲小異之爾午即火也火得年力丙雖運剛水之勝也謂火居南方午位得離正氣佐故夏令得化心藏不病羽蟲不災熱化得正化日無他邪所至也丁丑中木運正角木德平氣也其名數和何

謂也不候金行勝而先得干符合也始得初氣還正月壬寅月丁雖為木運未丑雖陰平謂土為木運之剛與丁合德也丁過壬而氣還金即金不行勝火亦不復故木德正角生氣時令木亦不傷土民乃康保蟲毛蟲甲蟲各得其育風化三從生數正化日也依時政令不失時也丁未之歲氣化運齊天依丁丑之政也

戊寅中火運太徵火氣太過其名赫曦也氣運行先天也即太過來早故云先天也又運與天合德名曰天符也即上見少陽相火司天即運與天同火其氣甚盛暑流行金肺受邪民病癰瘡少氣欬喘血溢泄注下噎燥耳聾中熱肩背熱甚則胃中痛腸肢滿膺背肩胛間痛兩臂內痛身熱骨痛而為浸淫收氣不行長氣獨明以表火勝熱化七從成數邪化日政令失時戊申年小異之即申為金佐於肺肺受火刑其氣稍實民病得半也故小異之爾其餘之令亦如此

己卯中土運少宮土氣不及災五宮五宮即

中央也在人應脾氣分四氣蟲為保蟲土其名卑藍木乃來刑即木行風勝於土風乃大行化氣不令草木茂榮飄揚而甚秀而不實民病殮泄霍亂體重腹痛骨絲復肌肉咽酸勝至甚也金子來復復之至則收政嚴域草木蒼凋胃腹暴痛下引小腹甚大息蟲食甘黃氣客於脾鬱殺乃減食少失餐復罷土氣未正後至九月甲戌月土還正宮兩化五邪化日失正令也已酉之年異於此歲酉金也勝之懼之故木勝之微爾

庚辰中金運太商金氣有餘其名堅成金氣有餘即生氣乃萎收氣乃殺即白埃四起草木蒼落林木肅殺燥乃齒田白色民病於肝毛蟲運困肱脇氣痺淋瀝便難目瞑轉筋燥化九從成數邪化日春令失政庚戌之運准此

辛巳中水運少羽水氣不及也災一宮一宮北方坎位在人應腎蟲為鱗水之表也其名涸流即乾涸竭也即土行勝水也土行兩令即名曰兩化行勝勝之至也至於第四氣中

即大雨霖澤腎病乃危久及勝脫鱗蟲運痺
弗令水危因篤木乃來復勝也大風數作揚
塵高舉摧折林木飛砂走石如是即土氣虧
脾藏乃病保蟲反殊木復罷土猶未全至七
月丙申月辛得丙合水還正羽水蒸方全寒
乃化一邪化日失政令也辛亥之年小異之
爾何以故亥為水雖陰年亥水與辛水運相
佐之日歲會水得平氣即土不勝木不復故
得正羽正化日寒化一從生數也

壬午中木運太角木氣之有餘也其名發生
○壬木運運之剛也午陽年陽年太過故太氣
之威也即生氣之令太過運行先天風化乃
威化氣不令兩濕運虧脾藏受病久及其胃
保蟲不育風化八從成數邪化氣失令壬子
之歲亦然也

癸未中火運正微火得平氣也其名昇明何
以故即左右二火為間氣相佐之也又五月
戊午月先得干符也癸見戊而氣全也先得
符力水未行勝故曰平氣即水不勝而土不
從也火又不災九宮故名正微熱化依時令

正化日無他令熱化二從生數癸丑之令准
前

甲申中土運太宮土氣有餘其名敦阜也土
行雨令即化氣之威也藏氣不時邪干腎藏
久及膀胱鱗蟲乃因寒濕反溫雨濕流行民
病腹痛清厥意不樂體重煩寃甚則肌肉萎
足不收行善契脚下痛飲發中滿食減四肢
不舉雨化五邪化日也藏氣不正甲寅之歲
異於此何以故寅木也木可刑土氣之平也
即藏氣平自令鱗蟲得育腎氣均正化日也
故得無他邪也

乙酉中金運正商金得平氣也名曰審平也
七宮不災火勝不至水復不來甲蟲自育肺
藏氣寧何以故乙雖為金運之柔酉雖陰年
故酉為西方金位金氣相佐故得平氣也長
氣亦不刑生氣殺氣自正清化四從生數正
化日無他邪也乙卯之年異於此歲中金運
少商金氣之不及其名從革即火得二之氣
君火分中來行勝即暄熱至甲蟲歿肺乃病
勝之不及又水未行復其氣以平何故也三

月庚辰月乙得庚合合其干德金運正商其
氣乃平使殺氣不失其令清化四從生數邪
化日有他邪也

丙戌中水運太羽水氣有餘其名流衍水得
丙戌之剛戌上見太陽水同於寒其氣臨火
長氣失政炎暑乃虧暴冷時間藏氣乃感其
膏冰電其令寒零凜冽羽蟲迺忘藏病危久
及小腸民病心熱煩心燥悻陰厥上下中寒
謗忘心痛寒氣早至寒化一六生成二化并
天令也邪化日失政令也丙辰之化准此

丁亥中木運正角木得平氣其名敷和木氣
不災三宮何以故丁雖為木之柔亥雖陰年
今於正月壬寅月丁得壬合干德相符故平
氣也故運得干合即木氣乃全即金不行勝
欠不來復也木亦不傷土令也使時令各得
其化故曰正化日也風化三從生數丁巳之
正依斯令也
戊子中火運太微火氣有餘其名赫曦上與
少陰君火合德日天符也火行暑令即炎暑
大行夏令太過其變鬱蒸其膏炎燥如是即

心氣有餘邪炎肺藏久及大腸甲蟲不滋後氣失政肅殺無威暑化於戌數戊午之年名曰太子天符三會合也即戌火運上少陰君火午為南方為位即三位火合德其化轉甚邪化日秋失正也

己丑中土運少宮土不及災五宮五宮即中宮也在人應脾卦為坤主氣為四氣蟲即保蟲土不及其名早監土行雨令濕化乃虧木乃來刑木行風令即風化行勝也勝之至也得初氣而至早也風木之時化之正也脾乃病久及胃保蟲困篤四氣運虧土至危金乃至至而燥來燥來後勝勝木也木反衰肝乃病次及膽土乃靜脾病愈保蟲針土至九月甲戌月已得甲為干合其德土還正宮方伏位名曰兩風勝復同也邪化度邪化者相刑勝之名也兩化五已未之今准於斯正庚寅中金運正商金得平氣也其名審平也寅為陽庚主太過何言平氣也謂上見少陽相火司天下臨剋於金故天刑運運不能太過故罰盛而見平也其氣亦傷肝也即為小

五

六

災爾毛蟲小困春令清干燥化九從成數邪化不感庚申之歲金得太過從太商金名曰堅成謂申金為佐之故金氣傷肝久及其勝生氣之令不殺金氣太過燥化依令辛卯中水運少羽水氣不及災一宮一宮即

北方坎位也水在人應腎水不及其名涸流即乾涸竭也即土氣來勝刑於水也上施雨令名曰兩化勝也勝之至也至於第四氣即土得時化故勝爾太虛埃昏雲氣以擾雨令頻化腎藏乃病火乃勝脫鱗蟲困篤冬令反溫流水不冰水困之危木來復剋木者水之子木行風令名曰風化勝復同也即大風復勝於兩土即脾反病保蟲破土氣復危如是即土氣方緩至七月丙申月水還正羽寒化一從生數邪化日失正令辛酉亦然壬辰中木運太角木氣有餘其名發生其氣感木有餘木令於風風乃大舉鼓折鳴素用施摧拉氣過即傷脾久及其胃保蟲不育化氣不令風化八從成數邪化日也夫正令壬戌之令亦從此歲之令

五

七

癸巳中火運正徵火得平氣其名昇平也巳雖陰年癸雖為柔一謂巳為火亦名歲會二謂水未得時化三謂五月戊午月癸得戊合其干合故得平氣也即水不來勝火不來復即火令依時熱化二從生數正化日依時正

癸亥中火運少徵火不及災九宮九宮南方離位在人應心蟲為羽蟲火不及其名伏明謂亥為水故異於巳也即水得年力便來行勝即暴寒勝問民病於心久及小腸羽蟲乃病勝至甚土來復勝勝之水困腎反病及鱗蟲至五月戊午月火還正徵其氣乃平邪化日失政令矣

素問六氣玄珠密語卷之二